

冕甯縣志卷二

蓬州李昭朗如纂輯

受業陳志一趙然梓
劉坤隆郵巷校

輿地志一

沿革

蜀地居坤維冕甯又在蜀西南周秦而上沿革
莫稽漢通西南夷主治旄牛置臺登縣自是而
後因革分合代有異同或賅入屬郡徙治紛紜
或沒於蠻獠失陷畢世徒以夷處夷聊示羈縻

冕甯縣志卷二

輿地

沿革

之意固未有柔以治化畫一版章數百年而弗
變者也明雖力弁置衛設司然祇臨之以武耀
德之道闕然迨至

聖朝統一函夏眷重蒼黔改土歸流更設縣治而後
疆宇正焉夫委中土為夷居度未宏也復夷地
為樂國制盡善也為之宰者其思所以贊襄
釀化保障邊陲宣德而達情也乎志沿革

縣治在禹貢梁州南裔上古為都國

李元蜀水
經冕甯縣

古郡國黃帝封其子昌意於此娶蜀山氏女生
顓頊於若水若水即城外南河也故冕邑為帝
子之都高漢初屬邛都國武帝時置西部都尉
陽氏故里治旄牛主外羌元鼎六年置大筰臺登二縣屬
越雋郡後漢省大筰入臺登晉因之徙治會無
縣會川廢衛齊省入越雋獠郡尋沒於獠後周武帝
復置臺登縣兼置白沙郡隋開皇初郡廢仍屬
越雋郡唐為月邊州屬中都督府至德二載沒
於吐蕃貞元十三年收復太和五年復為蠻寇

冕甯縣志卷二

輿地

沿革

二

所破六年移雋州來治咸通三年為蒙詔所據
改城曰建昌府宋時羈縻屬於大理元憲宗時內附為
禮州地至元十二年置蘇州今作酥州屬建昌路分
其地置總管府設羅羅斯宣慰司以統之初屬
四川行省尋改屬雲南行省明洪武二十二年
罷宣慰司立蘇州衛二十七年改為甯番衛軍
民指揮使司屬四川行都司

皇朝初亦曰甯番衛雍正六年罷衛改置冕甯縣屬

甯遠府

甯遠縣志卷二

輿地

沿革

三

輿地志二

疆域形勢附

在昔黃帝畫井分疆後世因之苴胙茅土申畫
郊圻非欲區分畛域亦聊以固吾圉也故詩歌
正域書紀則壤易言設險守國禮重度地居民
周官形方氏制地域正封疆由其控制得宜是
以芑桑永奠冕邑密邇涼山交通滇水截長補
短兼數諸侯地廣輪所到皆為望緊要區小相

冕甯縣志卷二

輿地

疆域

四

嶺為邑之頭眼瀘沽為咽喉兒斯河為尾閭左
以扼吭越窩右以捍侮建昌漢唐於茲置郡元
明於茲立司有以也哉顧地博則控馭匪易形
阻則奸宄亦多苟未明其道里阨塞手提肘挾
而欲制勝於指掌之間難矣畢訓曰慎固封守
又曰樹之風聲知此者庶得守土安民之道歟
志疆域

縣在四川省城西南一千二百五十里在甯遠

府北二百三十里照通志東至小相嶺二百里交

越嵩廳界西至糯居四百九十里交木禮刻嗎

界南至黃土坡一百二十里交西昌縣界北至

竹木河口二百五十里交明正土司界東南至

如昆一百八十里交涼山界西南至虛郎二百

里交西昌界東北至鐵宰宰一百五十里交越

嵩界西北至七兒堡一百六十里交木禮刻嗎

界東西廣六百九十里南北袤三百七十里縱

冕甯縣志卷二

輿地

疆域

五

橫共一千數百里

形勢

通志枕長河而控吐蕃接建昌而鎖邊隅甯遠

塞邑西南要道

舊志星分參甯地接羌氏枕越魯而帶長瀘控

西番而扼南詔營汛外攘旣星羅而棋布土司

內附亦繡錯而綺交

相嶺上千際天衢而控引東北牛山橫巨蟠地

軸而屏障西南兒斯之水險逾呂梁安甯之河
流疾巫峽地瘠而寒徑高而僻犬牙交錯漢夷
雜居

昆甯縣志卷二

輿地

形勢

六

輿地志三

城池 鄉甲場市附

自軒轅築城以居而闔閭之設樓櫓之備亟亟矣古今注城者盛也所以感受人民也說文曰城者成也一成而不可毀也城必有池以衛城也古名為隍隍者城池之無水者也先王之制列侯大城高五雉小城高三雉廣狹即有不同要其詰奸禁暴嚴筦鑰時啟閉以奠人民居四

冕甯縣志卷二

輿地

城池

七

境恃以無恐者賴茲壩壑焉縣城築自明初負山憑水崔巍雄傑外有金湯之固內有磐石之安提挈四鄰聯屬百甲復築靖懷瀘甯諸圍為犄角之勢易取備豫此物此志也今四營環列諸堡錯居藉非壯其規模將何以出政教禦侵軼衛黎庶而鎮番夷哉釋名曰鄉者向也衆所向也鄉猶使民向之況其在城志城池

縣城築自前明洪武年間

洪武二十七年設甯番衛築土城至

永樂三年指揮李信以磚石包砌高一丈一尺五寸厚二丈四尺女牆高四尺堞口高三尺周六里四十八步計一千零九十八丈濠闊二丈門四東曰賓賓西曰平夷南曰甯遠北曰鎮安道光七年知縣書綸補修至咸豐四年坍塌過半知縣宋恒山重修由是城身城堞城門一律嚴整六年裸夷肆逆直至河東城郭屹然夷不敢近避難者充衢溢巷咸有恃以無恐因思蜀

中州縣半係石城堅者不過百餘年磚城抑又次之皆無甕城冕城築自明初越今五百年而崇屹之勢猶存前年宋明府重修時屬昭督理工程見頽處磚入土中深至七層一片黏連難於急拆既經補砌益增鞏固之形故能捍患禦災城鄉咸資保障此後如有傾圮更望念切保民者之留意焉

舊志城與街巷如棋盤形堪輿家以四面山為

五老山有五老下棋之說

城內分東西南北四街而鼓樓居其中自嘉慶六年鼓樓被燬道光十五年重修二十五年復被燬前署縣洪瞻陞精於堪輿謂此城不宜有鼓樓以後毋容再建

聞耆老言嘉慶年間居民尚屬寥落草木成林自東門可望西門罕人行走邇日市肆分列幾無隙地袂聯蹄接蔚然騰茂之氣象矣

冕甯縣志卷二

輿地

城池

九

縣城四面皆活水其北門西門城濠係和尚沖小海之水其東門南門城濠係長河分入碾溝之水至城內之水亦係引自小海分流於各街各巷四時不涸井泉亦隨處皆是味甘而冽嘉樹蔽日修竹引風尤足點綴城市

靖遠營土城

國朝雍正六年大邑縣知縣徐坦監築高一丈二尺周三里一分一釐計五百六十丈門四東曰鎮

彝西曰迎恩南曰慶雲北曰鳳山
懷遠營土城

雍正十三年築高九尺基厚五尺周二里二分
計三百九十七丈八尺門二東曰迎恩西曰懷
來其城倚山內一街七巷

瀘甯營石城

雍正十一年建高八尺五寸基厚五尺周二里
三分二釐計四百一十七丈六尺門四

冕甯縣志卷二

輿地

城池

十

瀘沽汛土城

咸豐六年築東南街共一城長四百八十六丈
門三北街城長四百四十五丈門三上西街城
長一百一十九丈門二下西街城長二百二十
五丈門二其高各一丈二尺厚六尺地勢雄壯
頗足以資捍衛但土質不固勢難經久所望紳
糧隨壞隨補庶幾可保前功耳

鄉甲

福鄉 共編六甲
村落四十一

穆家堡 羅家堡 小前所 小堡

小村 高家碾 小濫壩 李家堡

亂石窖 壩顯 凹家落 青山嘴

木拉落 舖下 陳家莊 馬家堡

刻馬木 林子口 凹穀腳 沙灣

羊房子 石古路 楊官凹 阿普落

莊上 戴冠屯 石長屯 三分屯

冕甯縣志卷二

輿地 鄉甲 十一

四家堡 河東 馬房屯 簡槽溝

菩薩渡 平壩 老塘 瓦糯

大了口 迫夫 劉家莊 沙壩

清鄉 共編八甲
村落四十一

峽口 古城 新營上 萬縣營

水城 響石頭 磨高堡 李家山

楊冒田 吳海 周家堡 馬房溝

魏官營 中屯 文家屯 蜡蜡白

吳海營

詹家沖

天王廟

楊秀

長山嘴

單家堡

詹家坎

卧巴堡

千戶堡

巴姑

漢蛟龍

冰布村

新堡子

中壩

河邊堡

白鹿營

楊貞堡

楊家堡

戚家堡

落石

胡家堡

趙家灣

新土城

南山營

長鄉

共編一甲
村落十七

梳妝臺

新堡子

沙溝營

石莊

長甯縣志卷一

輿地

鄉甲

十二

後所

前所

右所

即石龍橋

王二堡

麻至莊

後山

石頭壩

高山堡

高田

熟麻地

白土

鄰里鄉

呷斯

阜鄉

共編五甲
村落十二

瀘沽

鐵廠堡

冕山

松林

虛郎溝

營盤

馬家堡

麻葉林

乾田

幸家堡

徐家溝

西河口

場市

瀘沽 無場期

凹穀脚 名迴龍場 場期二五八

河邊 名永興場 場期三六九

馬房溝 名福興場 場期一四七

大橋 名惠安場 場期三六九

石龍橋 原名右所場 場期二五八

松林 場期一三五七九

冕甯縣志卷二

輿地

場市

十三

米市 在縣署照牆外

雜糧市 在城隍廟

柴市 在典史署前

輿地志四

山川

宇宙磅礴鬱積之氣凝而為山融而為川合之則成九州四海之形分之則具一邑一州之勢臺登僻在西南僅彈丸區若無倣儻瑰奇之可述而峻嶺激湍以千百數如相嶺旄牛之嶽寄律峯鴉礮長若之汪洋灑瀚直與峨岷涪碓競秀爭靈是豈徒鏤天梯列地脈矜險阻於雄邑

冕甯縣志卷二

輿地

山川

十四

已乎將永莫斯民長享其利而器車醴泉且迭出為

聖世休徵用以惠濟元林焉志山川

東山在縣東五里

菩薩山在縣東十餘里中村堡後上有海子周二十餘里多異魚

茶園山通志作查元山在縣東三十里石峯高出雲際雪凝四時不化

馬鞍山在縣東三十里

鐵石山在縣東一百里

華陽國志臺登縣山有
磐石禹貢所賦元和志

在臺登縣東山有磐
石火燒成鐵極剛利

晃山在縣東一百二十里山形崇隆高聳如冠

望葉山在縣東一百二十餘里多樹木

橫擔山在縣東一百三十里近浴水塘那架瓦

河發源於此

涼山在縣東一百三十里其山綿亘數百里跨

晃甯縣志卷二

輿地

山川

十五

馬邊建昌晃甯越嶠為羣夷之窟巢峯巒嵯峨

四時多寒故名

小相公嶺在縣東二百里相傳為諸葛武侯所

開故以相公名之晃甯越嶠分界處自登相營

循麓漸上去巔五里螺旋而登乾隆二十八年

邑令同尉捐修石路一千四百丈巨壑橫嶂蒼

翠可觀石級縈紆行不棘足惟冬春冰雪積凍

難行耳嶺即涼山北境為野夷出掠之所今於

其地設汛

拖別山在縣東南二十里山頂有海子

伏龍山在縣東南八十五里即瀘沽峽南山也

近接涼山上有蕙香洞多蕙草四時香氣芬郁

拱頭山即瀘沽峽北山有小路自前所越嶺由

鄧家灣至古興橋上多猿猴千百成羣

南山在縣南五里松杉茂豫倒映清流半山有

寺俯瞰縣城雄秀無匹

冕甯縣志卷二

輿地

山川

十六

象山 獅山 二山皆在縣南五里與觀音岩

對峙長若二水由此匯流堪輿家所謂水口山也

徹雲山一名西山縣南三十里其麓有響石長

七尺闊三尺八寸厚三寸擊之聲如雲板

膽山又名少華山縣南七十里近瀘沽羣峯環

拱為邑之關鎖

筆架山在縣南八十里近瀘沽兩山相連尖峯

映秀

白鹿山在縣南九十里

越魯山在縣西南五里延袤二百餘里或云明

洪武間逆賊越魯嘗盤踞於此

壩顯山在縣西南五十里有徑通河邊

落甕山在白宿瓦趕到底間山箐叢密波羅溝

水出焉有徑通虛郎

西山在縣西五里磅礴雄偉與三面諸山並峙

光甯縣志卷二

輿地

山川

十七

羅衛縣治朝暉夕陰氣象萬千

瞭高山在縣西二十里山右有糧臺一座石壘

猶存征三渡水時所設

石關山在縣西三十里

石筍山在縣西四十里山有石筍三尖秀入雲

凹穀脚山在縣西四十里舊有鉛礦

天馬山在縣西五十里山勢翹竦有如天馬行

空

錦屏山在縣西一百四十里瀘甯營後俗有錦

屏山寶帶河之對兒斯河之水環抱瀘甯營故俗呼為寶帶河

旄牛山在縣西四十里連大小西番橫亘數百

里高出雲表若水源出於此昔漢武帝初通西

南夷置東西兩部都尉一治旄牛主外羌此則

西部都尉所治也後漢張喬破越巂夷於旄牛

山蜀張嶷除越巂太守郡有舊道經旄牛山至

成都嶷遣左右賞貨幣賜其帥狼跽開通舊道

昆甯縣志卷二

輿地

山川

十八

千里肅清復古亭驛即係此處縣城至瀘甯必

取道於旄牛岡巒起伏為閭邑之來龍

公鷺嶺在縣西北五十里勢昂藏肖鷺舒翼迴

翔之勢倚空欲飛

大丫口山在縣北五里旦暮絮雲濃積為邑之

屏障

加官山 威夷山 俱在縣北八十里

紫姑山在縣北一百四十里有銅礦

咱耳山在縣北一百四十里一名藥山山多產藥故也上有觀音寺喇嘛廟為漢番所供奉

謂在縣北二里誤

靈山在咱耳山西產貝母

白基山在縣北一百四十里

沙溪山在縣北二百五十里通志稱有銅礦

登相峯在縣東一百六十里又名葛裏山草樹

華滋秀如玉筍煙朝霧夕尤為異觀

冕甯縣志卷二

輿地 山川

十九

西雲峯在縣西二十五里

白岩一名白土山在縣東五里危巖峭壁俱是

白土結成相傳明藍國公剿平越魯諸夷後歲

大歉有仙人指白土為麩人爭取以作餅味如

蕎麥邑人賴以全活至秋成稼熟其土粗臭不

可食矣

擦耳岩在縣東一百二十里產摩菰

觀音岩有三一在縣南五里長若二水合流處

岩上石刻指水觀音像一在瀘沽峽山黝水碧石異雲飛上有潮音寺今建孫水關於其地一在冕山有新鑿石洞深七尺供觀音

水墨岩在縣西七十里其下有泉黑綠色因名洗租岡在縣西六十里

峽口在縣南十里

瀘沽峽通志稱中峽南北長五里兩山壁立深百餘丈闊不盈尋孫水流其中淙淙有聲今按

冕甯縣志卷二

輿地

山川

二十

峽路蛇蟠蚓屈迴旋上下長十餘里觀音岩正當其中緣崖架閣即潮音寺也登閣遙矚一水湧潮漱石欲奔山迴麓轉草石幽秀廟之上供觀音像迴廊客舍階級削成渾如置身空際縹緲欲仙廟曾燬於鬱攸道光四年重建寺前孫水關咸豐四年新建新橋峽在縣東一百一十里巔崖分削中通一輿亦要隘也

仙人洞在縣東一百二十里

安甯河在瀘沽里許凡邑中之水如長若如孫水如呷瓜河皆至瀘沽梳妝臺而會則名安甯河又南經沙子塘漫水灣倉口松林入西昌縣界南經甯遠府城德昌至會理州之迷易所入於打沖河

瀘沽河即安甯河

長河在縣東二里源出縣北西番竹木河口南

冕甯縣志卷二

輿地

山川

二十一

流經那甲甲山大柴樹等處有龍洞河來注之

又經惠安場至苗出

惠安場南五里許

有拖烏河來注

之至平壩有架州河來注之至縣城東南觀音

岩與若水會合流至瀘沽入於安甯河

按縣屬各河多

引流灌田自千百畝至數十畝不等又沿河多水碾水磨水碓之類

若水在縣西南源出旄牛山微外分三支一東

南流一東流一東北流至小村而合自西而東

經木刺瓦尾哈哈等口至縣城東南觀音岩與

長河會合流至瀘沽入於安甯河

孫水源出小相嶺龍潭溝經九盤白石南流至

冕山有紅水河來注之至瀘沽會長若二水合

流為安甯河

河較長若少狹而建瓴之勢過之漢書司馬相如定西南夷橋孫水

以通邛笮水經注孫水出臺登縣南流經邛都

縣按二說是今萬甯橋即孫水橋舊址也由此以達邛笮為正路孫水所經也

拖烏河在縣北九十里南流經大鹽井

名曰鹽井實不

出至苗出入於長河

冕甯縣志卷二

輿地

山川

二十二

東河即長河以在縣東二里許故又名東河

架州河在縣北四十里源出樟木溝至平壩入

於長河

馬料河在縣東源出登臺寺山水會熱即瓦河

由簡槽溝至觀音岩流入長若二水

紅水河源出涼山由靖遠波羅汎流經橫擔山

至冕山入於孫水

呷瓜河

一名白鹿河

在縣西南源出馬五甲山箐南

流至莊子岡有洗租溝水注之又有壩顯溝水注之至河邊又有卧碑溝水注之凡四十里至梳妝臺入於長河

兒斯河一名三渡水即鴉礮江土人名為金江河源出裏塘西北而巴延哈拉山迤邐納諸水經鹽源所屬喇嗎地界入冕甯縣境東折繞瀘甯營七兒木羅諸堡至瓜別溝仍入鹽源縣界為打冲河又東折經甯遠府西南至會理州之

冕甯縣志卷二

輿地

山川

二十三

迷易所安甯河之水入焉自迷易所而下東南入於金沙江

落甕河 楊家溝河 二水經沙壩合流為虛郎河入於三關河

阿瓦海在城東北山箐中周圍約三十餘里和尚冲水源出縣西北和尚冲山間小海南流名洗家河分為三支一支引入城中為灌田灌園及各署各廟池塘之用至城東南隅水洞流

出一支引入北門城濠折入西門城濠至較場壩南入於若水一支為正流自西而南經穆家堡入於若水沿路溉田數百畝

溫泉在縣東一百四十里近古路橋四時常煖可以療疾舊有浴塘浴室咸豐六年被野夷毀敗

甘井在縣署東偏其水極甘城中咸資汲焉

按各

官署廟宇多有井味亦甜但不及縣署泉源之旺

冕甯縣志卷二

輿地

山川

二十四

溫涼井在縣西四十里冬溫夏涼灌田數百畝
小鹽井在縣北三十里附近長河夏秋水泛井
隱河中冬春水落乃見番夷汲水煎之形如白糖
味鹹道光初年有愆惠番夷請開者知縣書
綸禁之始止

靈井在縣西五里地名水井坡取其水祈雨奇
應

輿地志五

關津

西蜀古稱天險岸峯削壁洪江沸濤在在有之
而因形度勢重關鼎峙長梁虹飛豈曰矜張峻
阻所以嚴封域察奸軼而利濟行旅也縣治左
面涼建右指滇爐不獨瀘沽為關津要會而通
衢便馬輿僻竇謹烏鼠於防維據守為九重則
豎壘截江呼吸相聞長約橫舟縈帶相接形勢

冕甯縣志卷二

輿地

關津

二十五

所在備禦因之爰致近境又安遠人驩就又豈
不與劍閣瞿塘鐵絙石柱同著雄偉於坤輿哉
熙朝車書輻輳重譯梯航未嘗倚山谿之險亦未嘗
廢關梁之政所貴因地制宜隨時繕備聿成拊
背之勢而去濡足之虞是又官斯土者之責矣
志關津

關隘

約閣關在縣東三十里

沙他關在縣東二十里

烏角關在縣南五十里

瀘沽關在縣南八十里

今訛

孫水關在縣南八十五里即瀘沽峽兩山壁立

一澗深渾緣崖綫路繚霧盤虛咸豐四年夏郡

守德公裕邑令宋公恒山於此建孫水關一座

命昭監修六年八月涼山猺夷出巢焚掠冕山

殆盡長驅直抵關前團勇擊之而退瀘沽以外

冕甯縣志卷二

輿地

關隘

二十六

生靈得不罹於兵燹者實賴此關為之保障洵
鎮防之要鑰控禦之雄藩也

羅漢關在縣東一百五十里一名猺獠關舊為

猺獠窟穴地多鸚鵡

白石營在縣東一百七十里又有巡哨孝子坪

雙橋三橋等堡皆分兵戍守

九盤營在縣東一百八十里關南接白石營登

相營關北接龍潭溝相嶺關皆稱險絕一夫荷

鎬千騎辟易云

相嶺關在縣東二百里

北山關在縣北二十里今設

三關在縣南一百二十里虛郎諸水於此入安

甯河

石關在縣西三十里

定番堡在縣西百餘里明萬曆十五年置按上夷考

甯遠西月落三渡水妙竹等一十九寨夷人恃其險阻常引水外生番入寇自堡設而稍稍斂

吳甯縣志卷二

輿地

關隘

二十七

迹即今瀘甯營所屬地方

觀音隘在縣南五里

壩顯隘在縣西南五十里通白鹿汎

馬鞍隘在縣東三十里通裸羅關

桃源隘在縣南五十里距前所五里通冕山

波羅汎在靖遠營東南三十里近接涼山境

孤樓屯在松林東北入涼山要路

津梁

南河橋一名通惠橋在縣南門外三里卽若水也乾隆九年建年久朽腐道光八年城中客民增修二十七年知縣沈崧曾重修咸豐二年署知縣蓋星階復加修葺

高士橋在縣南距孫水關五里嘉慶九年建象山橋在縣南八里邑人李耀修近年隨時補葺

馬房溝橋在縣南三十五里乾隆十六年建夏

吳甯縣志卷二

輿地

津梁

二十八

日拆橋設船水落時復設橋有修橋租米十石客約掌管近來租米化為烏有橋毀而船亦朽壞自咸豐六年二月以來有該處木匠張登榜購備木料修橋一座錢與工俱獨力任之雖夏日盛漲水勢洶湧而橋仍穩固人畜通行鄉里有張善人之目

永定橋在馬房溝場外小溪上

瀘沽橋在縣南八十里明趙鄉鍊建石基八座

上鋪木板長二十餘丈寬二丈乾隆二十八年
邑尉周秉采增修道光八年知縣書綸重修監
生王廷珖增修

梳妝橋一名秀暉橋在瀘沽場外乾隆庚辰年
陸和尚募修道光戊子年知縣書綸重修庠生
孫殿颺施田一石作橋本庠生陸靖常總理橋
工十年積金數百以為補修之費

萬甯橋在縣東一百五十里閻王碓距冕山三

冕甯縣志卷二

輿地

津梁

二十九

十里隨時修葺昔司馬相如定西南夷橋孫水
卽此

興橋距冕山十里久被沖塌道光三十年知縣
沈崧曾重建有碑刻曰古興橋

古路橋距靖遠營二十里

今設
汛

三關橋在縣南一百二十里松林至虛郎之橋
冬橋夏船隨時修補

龍安橋在縣南六十里右所地方

高義橋在縣南五十五里前所地方

黑林橋在縣東北一百四十里夷人建

文星橋在縣北十八里近北山關卽架州河舊名瓦糯橋沖塌已久咸豐二年重建更名文星橋

架州橋乾隆二十五年建

東門渡冬橋夏船隨時修補

福星渡卽兒斯河昔名三渡水在縣西一百二

瀘甯縣志卷二

輿地

津梁

三十

十里雍正五年征剿夷人旣平設瀘甯營鎮之水勢漂疾橋工莫施設官船大小二隻水手四名

菩薩渡一名普咱渡里人設有渡船隨時補葺

輿地志六

古蹟 石刻附

閱世生古逾時成蹟豈惟高臺曲池綺閣華堂
始足寄慨興懷也哉江山之留勝城郭之表名
古賢豪之停驂致意履閱其地皆令人目想而
心游是以前哲登高覽景望古遙集形諸歌詠
齒頰有餘芬焉蜀中若文翁石室揚子墨池杜
少陵浣花之堂蘇長公披風之榭非其著者歟

冕甯縣志卷二

輿地

古蹟

三十一

人事有代謝往來成古今斯邑雖褊小亦古今
往來之區也俯仰陳迹有低回留之不能去者
志古蹟

臺登廢縣即今瀘沽汎北關索城

一統志漢置蕭齊廢

瀘沽廢縣即今瀘沽後周置隋廢元復置明廢

元志禮州領瀘沽縣在州北昔羅落蠻所居至
蒙氏霸諸部以烏蠻酋守此城後漸盛自號白
落蘭部或稱羅落其裔蒲德遣其姪建蒂內附
建蒂繼叛自為酋長併有諸部至元九年平之
設千戶十五年改縣明統志在都司城北一百
二十里本漢臺登縣地元置瀘沽縣國初因

之後廢

大筏廢縣距瀘沽里餘即今梳妝臺元和志凡言筏者夷人於江水上置

蘇州廢衛在縣北四十里今名酥州霸明統志元置蘇州屬建昌路

甯番廢衛即今縣治洪武初因之二十二年置蘇州衛二十七年改甯番衛通志謂即今縣治誤

通烏斯藏西鄰三渡月落口

武侯城元和志在臺登縣東南三里武侯南征至此築

冕甯縣志卷二

輿地

古蹟

三十一

關索城見上臺登廢縣

梳妝臺距瀘沽里許俗傳鮑三娘梳妝於此故名漢末鮑三娘勇力絕倫

廉康賊欲娶之不屈與康戰破之後關索來攻遂以城降同為漢室討賊蓋女中之知大義者也臺係土山正方而平高廣約數十丈孤特臨河長若孫水皆會於此上建有廟民居樹木參錯臺下一橋飛跨河許秋水澄空怡爽心目

桐磴站即今冕山汛

海眼在城西北諸天寺內

石刻

白石營岩上鐫有鑿天險三字又白石營五里石壁上鐫有鄧公路三字事蹟無考

瀘沽峽岩上刻有西南形勝四字又有山水奇

觀四字又有山高水長四字又一碑曰此為啞

泉不可飲

昭近年五過此處見碑側五六步許岩中有泉湧出僧用竹筒引入寺中

為日用之需烹茶極清啞泉之說或古今地脈有異歟

縣南五里觀音岩乾隆五年邑尉朱雲駮刻有萬壑夔龍四字

冕甯縣志卷二

輿地

石刻

三十三

小相嶺有石碑刻今日山頭四字不著姓名

縣城南關門上石刻高陽氏降生之墟七字咸豐元年知縣洪瞻陛建

雍正五年十月

上諭初二日川陝總督岳鍾琪題報平定建昌冕山賊番

上諭冕山賊番向來逞惡肆奸敢行不法久為平民之害而地方大吏畏難因循不肯辦理岳鍾琪遵旨勦撫調度有方俾苗疆永遠甯謐甚屬可嘉岳鍾琪交部議敘并將在事官兵加恩議敘賞賚已有旨了其兵丁等如有曾經借支銀兩

冕甯縣志卷二

續纂 上諭

一概加恩賞給不必扣還岳鍾琪奏請派兵暫駐以資彈壓之處著照所請行土兵口糧亦照所請賞給

養濟院育嬰堂記

冕邑養濟院名存實亡多歷年所余下車伊始捐廉重修房屋六間於城西公地先年籌置田土收養孤貧惟經費無多所養有限撫衷殊歉然也後與同城官紳籌辦遂又捐勸錢共一百五十釧發商生息添養孤貧五名稍資補救又於十八年署外西偏有已廢試院一所捐廉補葺以作育嬰公社其經費則仿照仁壽抽收稅底稟請 各憲立案現在創始之時

冕甯縣志卷二

養濟院育嬰堂記

一

經費不足公議暫育男女嬰孩十六名一俟經費充裕再為籌添以期廣育兩處均由育嬰堂局士妥為經理每逢朔日當堂點給庶幾楚楚老幼之人稍沾實惠乎余十年報最雖云歲事猶歉於心所望後來者及經理諸君子有以善始而善終之則鄙人無任翹企之至矣

光緒十九年歲次癸巳嘉平月

知冕甯縣事津門林駿元謹識

修會府記

會府之建自直省以逮府廳州縣莫不有之蓋所以崇

國體壯觀瞻肅班聯嚴咫尺示不忘君也威嚴重地

獨冕邑缺如

恭逢

慶典將事於蕭寺之中行禮於叢雜之所上慢下偷故於
何有適滋咎耳茲特與紳耆等籌商卜基於城之
東北鳩工庀材閱數月而工告竣正殿三楹東西

冕甯縣志卷二

修會府記

二

四楹前廊三楹周以垣牆而楮之雖體制未崇而
規模龐備庶略體聖人盡禮之忱云爾

光緒二十年歲次甲午三月

知冕甯縣事津門林駿元謹識